



UNIVERSITÄTS-
BIBLIOTHEK
PADERBORN

**Antonii Mvsae Brasavoli Medici Ferrariensis Examen
omnium Trochiscorum Vnguentorum, Ceratorum,
Emplastrorum, Cataplasmatumque, & Collyriorum**

Brasavola, Antonio Musa

Venetiis, MDLI

Emplastrum Vnde dictum sit I

[urn:nbn:de:hbz:466:1-70720](https://nbn-resolving.org/urn:nbn:de:hbz:466:1-70720)

placet. Sed hodie unà prandebimus, post prandium meū
 librarium cubiculum ingredientes, præmium reporta=
 bis, quod in angulo propè fenestram latet. AVLI.
 Quidnam est? PHIL. Videbis: nunc domum propere=
 mus. AVL. I tu, sunt mihi negocia quædam peragen=
 da, statim sequar. PHIL. Hora appetit. AVLI.
 Appetit? I præ, hunc uirum breuibus alloquar. PHI.
 Ego hic interim sedebo. AVL. Ne sedeas, eamus.

SENE X. Arbitror ad Dialogi finem iam peruentum
 esse. BRAS. Et iam ad ægri limen peruenimus. SE
 NEX. Hic sedendo tamdiu immorabor, quo ad ægrum
 uisitaueris, & dulcioribus uerbis solatus fueris. BRA
 SA. Sedeto: nam ego ad illum ingrediar. SE. Cur tam
 cito redijsti? an ne est spes ulla salutis? BRAS. De cor
 poris salute nulla prorsus, sed de animæ salute maxima:
 quoniam adest Reuerendus & consummatissimus Hiero
 nymus Papinus, qui illi aptum cœlum sua incredibili fa=
 cundia demonstrauit, ut nihil aliud optet ægrotus, quàm
 illuc ascendere, & suam illam beatam animam in Abra=
 hæ sinum collocare: iam iamq; in locum in quem perueni
 re cupit, euolabit. SE. Dij faxint. At in recessu si tibi
 molestus nō ero, Emplastra quæ in pharmacopolijs sunt
 perpendemus. BRAS. Quomodo molestus esse pote
 ris si itineris laborem auferes?

SENE X.

I.

Cum ergo tibi lubeat, ut de Emplastris uerba faciamus,
 à nominis ratione exordiri cōueniet. unde deducitur no
 men hoc Emplastrum? BRAS. A uerbo græco quod
 est

BRASAVOLI

est ἐμπλάττω, id est formo, & fingo, unde ἀπὸ τοῦ ἐμπλάττειν, quod est fingere, & formare emplastrū deriuatur. SEN. Videbitur ergo potius nominandum esse emplatton, quàm emplastrum. BRAS. Ita profecto est, & Galenus in primo de Compositione medicamentorum per genera utitur uocabulo ἐμπλαστον, clas-
 22 se quinta, pagi. 210. F/ cum ait. Simili modo nec her-
 22 bæ solæ emplaston pharmacum efficere possunt. Quare primi emplastrorū authores nō temere ex oleo quoque metallica coquere excogitarunt, quæ liquefieri possint, liquefacere, ac siccas herbas cōtusas, cribratasque eis adijcere. SE. Cur postea dictum est emplastrū, si uel emplatton, uel emplaston nominari deberet?
 BRAS. Fuit additum ῥ. dictioni inter σ. & ο. & deinde in usum cecidit, ut emplastrum diceretur, & ab antiquis etiam fuit nomen hoc emplastrum usurpatū, & Galenus plerunq; hoc nomine emplastrum utitur. SEN. Quicquid sit à formando nomen habet. BRAS. A formando, inquā, & fingendo, licet & alia fingant ac formantur medicamenta. Paulus libro septimo, capite decimo septimo, simplicia quæ emplastra ingrediuntur in metallica partitur, & in lapides, in terrā, in fæces, in cineres, & in conchylia: hæc omnia sub metallicis contineri possunt. Diuidit et in oleosa, inter quæ alia sunt lachrymæ, alia liquida, alia liquores, alia succi. semina, radices, et herbas raro recipiunt emplastra. SEN. Immo maior pars hæc nostro tpe recipere uidetur. BRAS. Illa recipiunt, quia uere emplastra non sunt, sed potius cataplasmata. at eiusmodi nominū distinctio haud magnificienda est: sed ad rem ipsam redeamus, & tu secundum

dum illum quem seruasti ordinem emplastra referato.

SEN. Alias à me dictum est, hæc absq; ullo ordine esse descripta. BRAS. Ordinem in presentiarum uoco, si id primū referas, quod primo in tua scheda scriptum est

SENE X.

II.

Ita efficiam, sed è crumena scedam prius educere oportet: en iam adest: emplastrum de Crusta panis primū occurrit examinandum. BRAS. Non habet authorem ut arbitror, hoc emplastrum. SEN. Non quòd sciuerim. BRAS. Immo habet authorem, Montagnanam scilicet, uerum intelligo authorem nō habere antiquum.

Et inter medicinæ proceres numeratum. SE. Quid ad me facit antiquitas, modo affectui proffit, pro quo confectum est. BRAS. Immo non mediocriter prodest uo-

mitui, cum uehemens est, & homo, uel puer cibum continere nō possit, breuiq; tempore suo munere fungitur.

SE. Audiui munus suum in semihoræ spatio efficere.

BRAS. Fortè nondum in semihora emplastri uis ad uētriculum penetravit, sat est quod id breui efficiat, tu uero interim emplastrum de crusta panis, quod paratum seruas referto. SEN. Hoc parari iubeo, & seruo.

Recipe Mastiches

Mentæ, Spodij } Singulor. drach. I.

Corallorum rubrorum }

Crustæ panis infusa in aceto per semihoram unc. II.

Olei mastichini } Sing. unc. I.

Cotoneorum }

Farinæ hordei quantum sufficit.

Misce, & fiat emplastrum BRAS. Alij sunt pharmacopola, qui idem profecto seruant pondus, sed plura recipiunt